

Communicaziun a las medias dals 16 da schaner 2023

Investment Center da la BCG cun nova direcziun

En l'Investment Center da la Banca Chantunala Grischuna (BCG) hai dà midadas personalas a partir dal 1. da schaner 2023. Gian Raffainer ha surpiglià la direcziun dal sector, Daniel Lüchinger è nov Chief Investment Officer (CIO).

Daniel Lüchinger (1978) è dapi il 2005 tar la BCG. En l'Investment Center è el fin ussa stà engaschà sco manager da portfolios, sco cussegliader spezialisà per investiziuns e strategia da portfolio e sco manader da la partiziun Research & tecnica d'investiziun. El ha studegià economia da manaschi cun approfondaziun en Bank Assurance ed IT/organisaziun ed absolvì furmaziuns supplementaras sco Chartered Alternative Investment Analyst e Chartered Financial Analyst (CFA).

En la funcziun sco CIO è Daniel Lüchinger responsabel per il process d'investiziun da la BCG e per l'analisa dal conturn economic e ses effects sin ils martgads da finanzas.

Gian Raffainer (1988) ha fatg l'emprendissadi tar la BCG. Suentar ha el ramassà experientschas professionalas tar Swisscanto Funds Center Ltd. a Londra, sco Investment Controller tar la BCG e sco Investment Risk Manager tar Schroders Asset Management a Turitg. Durant quel temp ha el absolvì il studi d'economia da manaschi (approfondaziun en Banking) e suentar la furmaziun sco CFA. Il cumenzament dal 2021 è Gian Raffainer returnà tar la BCG sco manader da l'Investment Controlling.

L'[Investment Center](#) da la BCG fixescha la strategia d'investiziun da la banca e procura che tut las infurmaziuns relevantas en connex cun ils martgads da finanzas stettian a disposiziun da tut temp a las cussegliadras ed als cussegliaders. En pli observa ed analysescha il team da var 40 personas ils martgads da finanzas globals, valitescha ils svilups dal martgà, responsescha il commerzi speditiv da vaglias e devisas ed administrescha tut ils products da fonds e da l'administraziun da la facultad da la BCG.

Contact Investment Center:

Gian Raffainer, gian.raffainer@gkb.ch, telefon +41 81 256 80 49

Daniel Lüchinger, daniel.luechinger@gkb.ch, telefon +41 81 256 91 41

Contact post da medias:

Daniel Daester, daniel.daester@gkb.ch, telefon +41 81 256 88 01

Thomas Müller, thom.mueller@gkb.ch, telefon +41 81 256 83 11

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per personas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadadad al Grischun exprima ella en moda multifara. Ultra da sias activitads economicas s'engascha ella cun ses sponsoradis, ses fond da contribuziuns e sias purschidas per lavur voluntara.

La BCG dispona da participaziuns da maioritad a la Banca privata Bellerive AG, a l'Albin Kistler AG ed a la BZ Bank Aktiengesellschaft e d'ina participaziun da minoritad a la Twelve Capital Holding AG. Il scrit da participaziun BCG è quotà a la bursa dapi il 1985.

Termins:

Quint annual 2022:

10 da favrer 2023

Radunanza da las participantas e dals participants:

22 d'avrigl 2023